



Inatsisartut Allattoqarfiat
/Maani

08. maj 2012
Sagsnr. 2012-902269

Postboks 1601
3900 Nuuk
Tlf. (+299) 34 50 00
Fax (+299) 32 56 00
E-mail: isiin@nanoq.gl
www.nanoq.gl

Imm. 61 UPA 2012-mut akissuteqaammut ilanngussamik agguaassinissamik qinnuteqaat.

Naalakkersuisut Inatsisartut Allaffeqarfiannut qinnuteqaatigaat eqqartuussissuserisut suliffiutaannit Lett-imit oqaaseqaat nassiunneqartoq, Naalakkersuisut Aatsitassanut Inatsimmik misissuillutik aallarteriigaannut atatillugu, immikkut ittumik naammagittaalliteqartarfimmik malittarisassanik atuutsitsilernissamut siunnersuummik saqqummiusseqqullugit, ullumikkut Inatsartut inatsisaanni Avatangiisit Innarlitsaaliorneqarnissaat pillugit inatsimmi Kap. 14 –imi pioreersumut assingusumik.

Aalajangiiffigisassatut siunnersuummik naammassinninnissamut isummerfigisassat pingaaruteqartut oqaaseqaammi suliarineqarput.

Oqaaseqaat malittarisassanut, Namminersorneq pillugu inatsimmi tunngaviusutigut §1 aammalu naliginnaasumik tamat oqartussaaqataanerannut, Kalaallilu Nunaanni tunngaviusumik inatsisitigut tunngaviit malittarisassallu, pissaanerup agguaanneqarneranut aqutsinikkullu pissaanerup pingasoqiusanngorlugu agguaanneqarneranut sanilliullugu naliliinermik imaqarpoq.

Oqaaseqaammi taamatuttaaq suliarineqarput siunnersuutip kingunerit allat, tamatumunnga ilaalluni siunnersuut piviusunngussagaluarpat Aatsitassanut Inatsimmi ajutoortoqartillugu annaasaqarnermilu akisussaatsitinermit kinaassusersiunngitsumik malittarisassaq, Aatsitassanut Inatsit malillugu suliniarnermik innarlerneqartussaq pillugu apeqquut.

Naalakkersuisut oqaaseqaat Inatsisartut aalajangiiffigisassatut siunnersuummik suliarnerannut atatillugu, paasissutissanik pingaarutilinnik imaqartutut isigaat, taamaatumillu Inatsisartut Allaffeqarfiat, Inatsisartunut ilaasortanut oqaaseqaammik, Naalakkersuisut akissuteqaataannut ilanngullugu agguaasseqqullugu.

Inussiarnersumik inuulluaqqusillunga

Ove Karl Berthelsen